

Lesson 7

7.1 Reading, parsed for subjects and verbs. Reading, parsed for subjects and verbs. Subjects and subject phrases are single-underlined; verbs and verb phrases are double-underlined; horizontal bars separate clauses (independent, dependent, subordinate, relative).

33. Her wæs Crist ahangen, from fruman middangeardes ymb .v. þusendo wintra and .cc. and .xxvi. wintra.
34. Her wæs sanctus Paulus gehwyrfed and sanctus Stephanus oftorfod.
35. Her se eadiga apostol Petrus geset biscopsetl on Antiochia ceastre.
39. Her onfeng Gaius to rice.
45. Her se eadiga Petrus se apostol geset biscopsetl on Rome.
47. Her Claudius Romana cining gewat mid here on Brytene and þæt igland gecode, and ealle Pyhtas and Walas underþeodde Romana rice. Ðis gefeoht he gefremede fram feorðan geare his rices. Ðam geare gewearð se mycla hunger on Siria þe wes forewitegad on Actibus Apostolorum þurh Agabum þone witegan. Ða feng Nero to rice æfter Claudie, se æt nextan forlet Brytene igland for his uncafscipe.
189. Her Seuerus feng to rice and ferde mid here on Brytene, and mid gefeohte gecode þes iglandes mycelne dæl. And þa gewrohte he weall mid turfum and bred weall ðær on ufon, fram sæ to sæ, Britwalum to gebeorge. He rixade .xvii. gear and þa geendode on Eoforwic. Bassianus his sunu feng to rice. Oðer his sunu wes gehaten Geza, se forwearð.